



UNIVERSITÄTS-
BIBLIOTHEK
PADERBORN

Universitätsbibliothek Paderborn

Brevis Expositio Propositionum Damnatarum

Didacus <ab Aragonia>

Venetiis, 1728

Laus.

urn:nbn:de:hbz:466:1-42653

etum eligendi, sed contra obedientiam iudicis vel contra iustitiam legalem respectu Reipublicæ vel contra Religionem.

L A U S.

386. **Q**Uæritur. An Laus, quæ defertur Mariæ, ut Mariæ, vana sit?

Resp. Tanquam hæretica damnatur expressè ab Alexandro VIII. cum propos. 26. opinio affirmans, laudem, quæ Mariæ, ut Mariæ defertur, vanam esse; ratio est, quia perpetuo Ecclesiæ usu, & traditione constat, Sanctis omnibus, & à fortiori Mariæ in quantum Mariæ ratione propriæ Sanctitatis, & excellentiæ deferri, ac deberi, non solum laudem, honorem, & gloriam, sed etiam adorationem, & cultum eosque utiliter à fidelibus invocari; ergo laus, & adoratio Mariæ, ut Mariæ delata, nec non eius invocatio non est vana, sed pia, & utilis ad ejus patrocinium obtinendum, & salutem consequendam; quod constat ex *scripturis, & conciliis, & ex Trident. sess. 25. in decreto de invocatione Sanctorum*: Deinde nullus actus virtutis supernaturalis potest esse vanus, & inutilis ad salutem, sed laudare, honorare, invocare, & adorare Mariam, ut Mariam, sicut etiam Angelos, & Sanctos est actus virtutis supernaturalis; ergo non inaniter Maria, ut Maria laudatur; immò cum D. Bernardo: Totis medullis cordium, totis præcordium affectibus, & votis omnibus Mariam, ut Mariam laudare, & venerari debemus, quia sic est voluntas ejus, qui totum nos habere voluit per Mariam, cuius nomen Sanctissimum plenum omnidulcedine, ac suavitate divina, omni ore,

simul, & corde celebrandum, & invocandum est; dicamus igitur cum Ecclesia humiliter: Dignare me, laudare te, Virgo sacrata, da mihi virtutem contra hostes tuos.

LEGATUM.

387. **Q**Uæritur. An sit verum, quod legatum annuum pro anima relictum non duret plus, quam per decem annos?

Resp. Esse falsum, & expressè damnatum asserere, quod legatum annuum à fidei pro sua anima relictum duret solum per decem annos, ut constat ex propof. 43. inter damnatas ab Alexand. VII. ratio est, quia si talis opinio niteretur solido fundamento, proculdubio sequeretur, anima ultra decennium non detineri in Purgatorio quod est erroneum cum certum sit, per 5. 20. 50. vel plures annos ibi detineri, nam juxta culparum gravitatem aliæ diuturna, aliæque diuturnissima puniuntur pœna, ut constat ex pluribus revelationibus, & Ecclesiasticis historiis, plures animas diutius in eo carcere detineri; deinde ex usu Ecclesiæ celebrantis anniversaria pro defunctis per sæcula constat, incertum esse, an ibi animæ post pœnas sæculares adæquatè satisfecerint divinæ iustitiæ, eo quod iudicia Dei sint occulta, & abyssus multa; idcirco licet aliquando prodesse non possit testatori legatum annuum, vel quia adæquatè satisfecerit, vel quia de potentia Dei absoluta statim, ante completum decennium è Purgatorio ad Cœlum evolaverit, vel quia in gehennam detrusus est, sufficit, quod